

愚齋存彙卷第三十六目錄

電報十三

寄山海關副都統毅軍營務處

李欽使暨江鄂蘇皖贛湘各督撫電奏

寄江鄂劉張二帥

寄劉峴帥

劉峴帥來電

袁慰帥來電

劉峴帥來電

華盛頓伍秩庸星使來電

清史稿卷三十一 目錄
寄濟南袁中丞轉北京榮中堂

寄京慶親王榮中堂

寄李中堂劉峴帥張香帥

寄粵甯皖鄂濟南各帥

寄粵李中堂甯劉峴帥鄂張香帥

蘇撫鹿滋帥來電

張香帥來電

劉峴帥來電

李中堂來電

張香帥來電

寄江鄂劉張兩帥

寄李傅相

寄東京李木齋星使

寄蘇撫鹿中丞

張香帥來電

劉峴帥來電

寄劉峴帥

寄粵甯蘇鄂皖各帥

又

張香帥來電

劉峴帥來電

寄粵李中堂甯劉宮保鄂張制台蘇鹿中丞皖王中丞

寄江鄂劉張兩帥

寄劉峴帥

寄袁中丞

寄東撫袁中丞專遞京

江督劉峴帥來電

粵督李傅相來電

江督劉峴帥來電

寄江鄂劉張兩帥

又

寄粵督李中堂鄂督張香帥江督劉峴帥

寄劉峴帥

寄粵督李中堂江督劉峴帥鄂督張香帥

寄江督劉峴帥鄂督張香帥蘇撫鹿滋帥皖撫王灼帥

寄江甯劉峴帥武昌張香帥蘇州鹿滋帥安慶王灼帥

杭州劉景帥濟南袁慰帥成都奎俊帥

寄江鄂粵三制軍蘇浙皖三中丞

寄袁慰帥

東京李木齋欽使來電

劉峴帥來電

又

張香帥來電

寄李中堂

寄李中堂張香帥

寄各國欽使

寄劉峴帥

寄李中堂劉張兩帥

寄江鄂兩督蘇皖兩撫

皖撫王灼棠中丞來電

劉峴帥來電

袁慰帥來電

巴黎裕朗西欽使致南洋大臣電

俄京楊子通欽使致南洋大臣電

浙藩惲菘耘方伯來電

劉峴帥來電

寄濟南袁中丞

寄閩督許筠帥

陶榘林森甲沈藹蒼瑜慶兩觀察致南京武昌督署電

浙藩惲菘耘方伯來電

李傅相來電

寄京慶親王榮中堂王中堂

寄浙藩惲方伯

劉峴帥來電

劉峴帥覆陶道森甲沈道瑜慶電

寄江鄂劉張兩帥

寄江督劉峴帥鄂督張香帥

寄甯鄂蘇皖粵閩浙贛湘川東豫各督撫

袁慰帥來電

又

寄東撫袁中丞

寄倫敦羅稷臣星使

寄袁中丞

柏林呂鏡宇星使致南洋電

寄江鄂劉張兩帥

寄各省督撫帥

寄杭州劉中丞惲方伯

寄鄂督張制台鐵路鄭總辦

張香帥來電

寄江鄂劉張兩帥

張香帥來電

劉峴帥來電

袁中丞來電

閩督許筠帥來電

江督劉峴帥來電

浙藩惲菘耘方伯來電

劉景帥來電

寄蘇撫鹿滋帥

粵督李中堂來電

濟南袁中丞來電

寄江鄂劉張兩帥

寄閩督許筠帥

寄浙撫藩劉中丞惲方伯

寄浙撫劉景帥

寄北京慶邸榮中堂王中堂

張香帥來電

蘇撫鹿滋帥來電

江督劉峴帥來電

劉峴帥來電

柏林呂鏡宇星使致南洋電

景烈不登

卷三十一 目錄

一

峴帥來電

愚齋存彙卷第三十六

電報十三

寄山海關副都統毅軍營務處

光緒二十六年五月二十六日由海蘭泡轉

此係五省督撫緊要電奏請山海關副都統毅軍營務處將此電照鈔兩分加封粘釘因道路梗阻各自專派弁兵飛遞京城分送兩處一呈總署一呈榮中堂均請代奏以冀必有一路可到

李欽使暨江鄂蘇皖贛湘各督撫電奏

五月二十六日

總署榮中堂鈞鑒各國洋電皆以拳匪妄殺開衅我不速勦致動眾怒日本電謂若肯勦匪尙有轉

機京城危急北望焦灼查拳匪符呪惑人傳教煽亂實不能避槍礮嘉慶十三年久經諭禁若眞係直隸義民何以陝西人李來中爲首是爲邪教應勦一也不遵 詔旨解散京外亂殺華洋均受其害且要挾欽使請殺新城涑水兩知縣目無法紀是爲亂民應勦二也旂書助清滅洋乃各省會匪故套若助 朝廷何以抗 旨北自京城東至天津西至保定南至河間周圍千餘里均被滋擾勒派供糧其中不盡教民亦濫遭焚殺 畿輔災旱民不聊生是爲土匪應勦三也毀壞 國家所設

電線鐵路值數百萬阻 詔奏誤軍行又焚毀京
外洋房民房無算是爲劫盜應勦四也卽不與各
國開衅亦應痛勦况無故戕燬洋人洋房殺日本
參贊今海口已被佔奪都城布滿洋兵增兵增艦
日來日多禍在眉睫直不忍言從古無國內亂民
橫行慘殺而可以治國者亦未聞一國無故與六
七強國一同開衅而可以自全者卽英俄強國亦
斷不能受各國併力之攻况官軍彈藥有限鏖戰
日久我無接濟之械彼增數倍之兵江海各口俱
封各國分路攻擾全局糜爛如何支持拳匪無械

無紀在東在直皆不能敵官兵近日在落堡被洋兵擊斃無數在紫竹林又被洋兵擊敗未見其能避槍礮若謂烏合亂匪能與大隊洋兵拒戰斷無此事仰懇 皇太后 皇上聖斷念宗社之重速持定見勿信妄言明降 諭旨力勦邪匪嚴禁暴軍不准滋事速安慰各使館力言決無失和之意告以已召李鴻章李到當與各國妥商辦法必先停兵息戰我方好專力勦匪並請速發電 旨 述 皇太后 皇上之意飭駐各國使臣令向外外部道歉日本被戕參贊優加撫卹力任以後保

護 明諭各省保護洋商教士眾怒稍平庶可徐
商挽救 宗社安危所關閒不容髮再過數日大
局決裂悔無及矣焦急惶悚秉衡等意見相同謹
合詞籲懇 聖鑒請代奏並懇鈞署中堂示復李
秉衡劉坤一張之洞鹿傳霖王之春松壽于蔭霖
俞廉三同肅

寄江鄂劉張二帥 五月二十六日

頃聞鑑帥昨赴江陰言遇外國兵輪卽擊恐蹈大沽覆
轍關係東南全局更難收拾公當其任似宜加慎請電
約鑑帥速赴甯妥籌大局

寄劉峴帥 五月二十六日

時局至此公砥柱東南統籌軍國須得忠亮宏達之士
參謀左右前青陽知縣湯壽潛其人也此君現在滬公
以爲然當代敦勸來甯其人之詳可問季直殿撰乞裁
示

劉峴帥來電 五月二十七日

英船兩入江一赴滬一泊淞共四艘是否又有大
隊來南祈示鑑帥在澄頗慮誤事已迭次密飭守
將毋妄動召敵矣

袁慰帥來電 五月二十七日

慶榮電卽設法送尊論甚佳仍可請李劉張主稿
約會各督撫聯名奏額可有濟

劉峴帥來電 五月二十七日

鑑帥赴澄深慮孟浪已切實電勸並派員密告辦
法未接回電現又電請來甯面商不審肯來否湯
君著作頗富久聞其名祈轉致來甯爲盼

華盛頓伍秩庸星使來電 五月二十七日

北事危外侮急恐日後美公司藉端要素續約似
應准廷先畫押候 旨批准如此一可成功二可
望美國助我力保大局乞酌北京要聞統望電示

寄濟南袁中丞轉北京榮中堂

五月二十七日

保定張家口電線尙通京電可馬遞保定電局並請飭
廷臬多備快馬馳送電奏俄茶船均赴旅大裝兵英調
印度兵日本調廣島兵將大至若再不定計中國無完
土矣

寄京慶親王榮中堂

五月二十七日江鄂皖東督撫帥會電

俄裝茶輪船改赴旅大裝兵英調印度兵美調小呂宋
兵日本調廣島兵連德法陸兵數萬來津斷非董宋聶
所能抵禦如北路明戰各國必派水師分踞各口長江
浙閩粵東三省兵單餉絀必同時不保北望扈蹕旣難

援應亦無退步疆臣一死何足塞責李鴻章昨電津榆
路梗粵民呼籲攀留擬待後命略知 宗旨但能有益
再由滬開道赴京等語但事機日緊禍在旦夕可否電
詔李鴻章派爲全權大臣先與各國外部電商聲明
中朝絕無助拳拒洋之意亂匪准由中國自勦使館
卽派宋軍保護勸止添兵一面催李鴻章到京請 旨
與各使籌議庶可挽救危局請代奏坤一之洞之春世
凱宣懷謹肅云可否裁發乞速示

寄李中堂劉峴帥張香帥 五月二十八日

濟沁電萬勿聲張滬各領事接津電津租界礮燬洋人

死甚眾英提帶兵千餘歿於路已各處催兵看來俄日
陸軍必先集指顧必糜爛如欲圖補救須趁未奉 旨
之先峴帥香帥會同電飭地方官上海道與各領事訂
約上海租界准歸各國保護長江內地均歸督撫保護
兩不相擾以保全商民人命產業爲主一面責成文武
彈壓地方不准滋事有犯必懲以靖人心北事不久必
壞留東南三大帥以救社稷蒼生似非從權不可若一
拘泥不僅東南同毀挽回全局亦難乞鈞示

寄粵甯皖鄂濟南各帥

五月二十八日

柏林呂使宥電請慰帥轉總署漾電覽否德又派海軍

步隊兩營來華時勢日亟昨接李傅相電沽台互擊並非奉旨轉告外部切囑停兵再議善後外部云中國違公法本不應再接待議事意甚快快告以中國保衛各公使並無疏虞沽台互擊不可作開衅看彼聞傅相北上氣色稍平似有慮傅相不克盡行之意又將峴帥與香帥力任保護長江一帶教商之電詳告并援前年德主遇事相助之言辯論再三彼始允一并奏知德主惟電音不通克使存亡未知彼甚注意究竟如何祈密示云各國均電詢公使甚亟究竟二十三知照各使出京後有無消息慰帥速密示

寄粵李中堂甯劉峴帥鄂張香帥

五月二十九日

千萬秘密廿三署文勒限各使出京至今無信各國咸
來問訊以一敵眾理屈勢窮俄已踞榆關日本萬餘人
已出廣島英法德亦必先下手全局瓦解卽在目前已
無挽救之法逆料蕭牆之內必有變局初十以後 朝
政皆爲拳黨把持文告恐有非 兩宮所自出者將
來必如咸豐十一年故事乃能了事今爲疆臣計如各
省集義團禦侮必同歸於盡欲全東南以保 宗社東
南諸大帥須以權宜應之以定各國之心仍不背廿四
日各督撫聯絡一氣以保疆土之 旨乞裁示速定辦

法不勝迫切

蘇撫鹿滋帥來電

五月二十九日

濛電未到祈查示克使是否被匪傷慰帥已查確
密示否傅相初一由粵啟行想確以後消息務祈
隨時電示並懇轉飭保定局隨時專送京中往來
各電爲叩又奉兩電一英照會一請復峴帥定計
補救此時江海各處惟有力任保護特恐北事決
裂各口聞風滋擾和戰兩難禍不可測冀傅相早
到京或可補耳

張香帥來電

五月二十九日

沁電峴帥勘電均悉請卽刻飛飭上海道與各領事訂約上海租界歸各國保護長江內地均歸督撫保護兩不相擾以保全中外商民人命產業爲主云云並請聲明敝處意見相同如有應列敝銜之處卽請峴帥酌量轉飭再杏翁思慮周密敢懇杏翁幫同與議指授滬道必更妥速尤感但恐各領事必須敝處派員擬卽派陶道森甲迅速赴滬與議惟請告上海道及盛京堂先與速議不必候

陶

劉峴帥來電

五月二十九日

欲保東南疆土留爲大局轉機必當如尊處沁電
辦法日領亦同此意商香帥尙未復事急難待已
電滬道商領袖會議並囑密商公務望隨時指示
力贊其成並望催香帥亦電滬道俾協力主持以
堅各國之信至禱

李中堂來電 五月二十九日

俄踞榆關不確吾方日與俄 密商了事之法必
俄不踞地各國乃不生心頃美兵官來商願以鐵
船護送赴沽候電 旨卽行二十五 詔粵斷不
奉所謂矯詔也希將此電密致峴帥香帥

張香帥來電

五月二十九日

時事奇變做處惟有謹遵保守疆土聯絡一氣之旨至長江一帶止有會匪並無可恃義民惟有遵照歷年奏定章程嚴拏重辦山東袁帥不聲張極是公有何救時良策速密示

寄江鄂劉張兩帥

五月二十九日

沁電既合鈞意李相羅李兩使電均表同情余道約各國明日三鐘會議再請示惟滬埠以外租界洋人洋產我若不認保護勢必召其兵至宣局外闇昧承鼎嚙必竭力頃接領袖總領事公函各領願請到場會議只得

復允但總以余道爲主陶道請速來軍火已囑潘道由內地運如詰問係防匪用但須派兵護

寄李傅相 五月二十九日

豔電已轉峴香兩帥幸均合宗旨羅李兩使述英日外部意亦合已約各領事明日會議上海租界歸各國保護長江內地均歸督撫保護兩不相擾以保全中外商民人命物業爲主聞津傷俄日人最多各使無消息

寄東京李木齋星使 五月二十九日

津租界礮轟二十三使館尙無恙聞有允各使出京之說朝野皆團黨信電皆阻東南諸帥先主勦匪現主保

護中外人民物業兩不相擾公宜力贊其成

寄蘇撫鹿中丞

五月二十九日

拳已到保京電無一復者乞交保定藩臬馬遞洋兵大至北事必大潰尊指江海各處力任保護峴帥香帥已委余道明日與各國會議如議妥暫免洋兵入長江內地惟蘇五屬全仗鼎力相待後命方來

張香帥來電

五月三十日

五條甚妥請卽照辦應否請律法官請酌辦不必

商

劉峴帥來電

五月三十日

承助甚感余道擬五條均可行第須照鄂儉電加入製造局一層又吳淞礮台在長江外應否將礮台勿佔一節及上海租界歸各國保護添入約內祈裁酌商余道辦理滬埠外租界洋人洋產自應認保護應否派兵分紮及如何盡保護之責並望見示陶道到甯藹蒼亦令幫辦均令速來滬事機甚緊仍先速議可不必候軍火內運卽請轉囑潘道酌派兵護

寄劉峴帥 五月三十日

長江上海保護條款已與余道擬妥措詞皆預留後步

各領事必有更改今晚會議再詳告

寄粵甯蘇鄂皖各帥 五月三十日

奉峴帥香帥電幫同余道頃與各領事會議保護上海
長江內地通共章程悉遵兩帥電示各領事駁論多端
當告以督撫允認真保護必須各國允兵船礮台製造
局三款方免誤會生事彼慮軍火接濟北匪尙無法堅
其信兵船非許其各口添數隻亦必不允現允照水師
提督二十四文義照會余道若長江內地無亂耗各國
決不派兵干預等語可否請兩帥指飭余道卽將九款
照會各國彼須外部核准方能定議請峴帥香帥速撮

大意電致各使商外部須以民心略示恫喝因恐北事
彼卽得手

又 五月三十日

三十會議章程呈核一上海道台余現奉南洋大臣劉
兩湖督憲張電示與各國駐滬領事官會商辦法上海
租界歸各國公同保護長江及蘇杭內地均歸各督撫
保護兩不相攪以保全中外商民人命產業爲主二上
海租界公同保護章程已另列條款三長江及蘇杭內
地各國商民教士產業均歸南洋大臣劉兩湖督憲張
允認切實保護並移知各省督撫及嚴飭各該文武官

員一體認真保護現已出示禁止謠言嚴拿匪徒四長
江內地中國兵力已足使地方安靜各口岸已有各國
兵輪者仍照常停泊惟須約束水手人等不可登岸五
各國以後如不待中國督撫商允竟自多派兵輪駛入
長江等處以致百姓懷疑藉端啟衅燬壞洋商教士人
命產業事後中國不認賠償六吳淞及長江各礮台各
國兵輪切不可近台停泊及緊對礮台之處兵輪水手
亦不可在礮台附近地方操練彼此免致誤犯七上海
製造局火藥局一帶各國允兵輪勿往遊弋駐泊及派
洋兵巡捕前往以期各不相擾此局軍火專爲防勦長

江內地土匪保護中外商民之用設有督撫提用各國
毋庸驚疑八內地如有各國洋教士及游歷各洋人遇
偏僻未經設防地方切勿冒險前往九凡租界內一切
設法防護之事均須安靜辦理切勿張皇以搖人心云
所議萬難更動餘由余道請示遵行

張香帥來電

六月初一日

三十電悉請峴帥酌定卽飭余道照會各領事至
電駐使商外部一節是否有益應如何措詞統請
峴帥酌定挈銜發電事急不必商民心惘噶是要
義此時與領事議卽可以此立論

劉峴帥來電 六月初一日

九條均妥善已電令余道速照會各領並會香帥
電各使商外部矣昨袁電北事已危急望密告余
道迅速商訂爲要

寄粵李中堂甯劉宮保鄂張制台蘇鹿中丞皖王中丞
六月初一日

頃接領袖總領事函送致余道公函云昨承貴道與盛
京堂面述兩江兩湖制台誠意實力保護地方安靜及
保民命財產倘有匪徒滋擾受損願爲擔承各節各領
事聞命欣慰囑轉道謝悃某等茲欲使兩位制台得知

前在大沽各西國合兵提督曾出告示謂此次用兵實
爲專攻團匪及阻撓救脫在京及他處遇險之西人而
已并欲申明我各國之政府前時現今均無意在揚子
江一帶進兵不獨一國不如此做合力亦不如此做爲
此佈達等語已屬余道照復並將九條附送候余定稿
再定

寄江鄂劉張兩帥 六月初一日

兩帥旣允各國擔承保護各省之外國人民產業應請
分電江西湖南四川閩浙各督撫飭屬務格外認真各
盡保護之責方免意外有礙東南大局

全疆土江甯漢口英國領事迭來臣等署中而商欲派兵艦多艘入江保衛商教臣等以力任保護堅辭卻之該領事已允不再派艦上海各領事處並經飭令江海關道密爲轉商亦各允許蓋長江商務英國爲重各國忌嫉已久懼英而不敢先發英亦慮各國干預而不敢強佔以啟各國戎心在我正可就其所忌而羈縻牽制之若驚動一國勢必羣起而攻大沾覆轍可深鑑也此實委曲求全之策現在尙屬安靜正可暫與周旋仍一面嚴密籌備惟沿江防軍甚單精械不能一律雖酌量增募利鈍仍無把握一經宣戰各國封我海口滬局軍

火不能運出將士戰守奮勇亦無藥彈接濟沿海各省
紛擾可憂防不勝防閩浙廣東兵力亦薄從前法越之
戰日本之戰開衅皆止一國軍械藥彈尙可設法分購
密運勉支半年故一國尙可力戰若謂可以抵拒各國
臣等誠不敢作此矜夸之語以欺 君父而誤 國家
外衅一開內匪四起更難措手總之能聯絡一日長江
以內尙可使外人無從逞志倘各國必欲以干戈從事
派大隊兵艦來江攻我營台實逼處此臣等受恩深重
有守土之責自當盡力抵禦存亡與共事機甚緊所關
甚鉅謹披瀝上陳再出使各國大臣此時請勿遽行召

回若使臣下旂回國卽是明言決裂自認攻毀各國人命物產以後更難轉圜似宜仍令暫駐各國爲宜在京各國使臣亦宜設法挽留勿遽聽出合并瀝陳此奏係電由東撫代爲具摺交驛六百里加緊馳遞以期迅速不勝急迫之至云何時發行及有無 諭旨並祈電示感切禱切

江督劉峴帥來電

六月初二日

吳淞並未添新礮至現在停工之礮台係二月間動工秋後方完竣囑勿誤會至拳匪誤國正深惡痛絕已屬嚴拏訊係拳匪卽予正法陰隲坤一身

當之詎有以軍火濟拳匪之理提用實爲防匪儘
可放心請切實轉告

粵督李傅相來電 六月初二日

頃由直藩分電粵浙蘇皖湘各督撫及李鑑帥二
十九 旨李鴻章李秉衡等各電均悉此次之變
事機雜出均非意料所及 朝廷慎重邦交從不
肯輕於開衅中外強弱情形亦不待智者而後知
拳民讐教焚燒正在勦撫兩難而各國兵船已力
索大沽礮台限期交付羅榮光未肯應允彼卽開
礮轟擊遂致不守卻非衅自我開現在兵民交攻

各使館勢甚危迫我仍盡力保護大局安危殊難
逆料爾各督撫惟當懍遵迭次諭旨各盡職守
爲所當爲相機審勢竭力辦理等因看來行可暫
免卽鈔示方兒

江督劉峴帥來電 六月初二日

做處並未奉有宣戰諭旨無論此事如何總與
香帥一力擔承仍照所議辦理斷不更易

寄江鄂劉張兩帥 六月初二日

刻晤領袖允照會滬道宗旨均合條目須酌已囑余道
將九條備好照會候信卽發頃港督來言吳淞添置新

長沙不馬 卷三十一 二
礮各國啟疑告以斷勿誤會請飭班統領不必加新礮
以召敵又提軍火防匪用決不接濟拳匪乞復俾持示
又六月初二日滬道余會電

領袖領事允函沅處已接到正擬復文適見宣戰各
明旨與所議保護章程諸多窒礙如鈞意堅定仍可辦
理卽請切實電示備各領事詰問時出示以堅其信現
聞西兵將次抵京

寄粵督李中堂鄂督張香帥江督劉峴帥 六月初二日
峴帥冬電無論北事如何總當與香帥一力擔承仍照
所議辦理斷不更易合參傅相豔電二十五 詔粵斷

不奉所謂矯詔也香帥豔電惟有謹遵保守疆土聯絡
一氣之旨並無可恃義民惟有嚴拏重辦三帥宗旨
均屬一律頌讀三十電旨此次義和團兵民以至王
公府第處處皆是勦之則卽刻禍起肘腋各督撫若知
內變如此之急必有奔問不遑者速籌兵餉力保疆土
等諭可見朝廷勦撫兩難出於逼脅言外尙多不能
明言之隱自來不清內亂難禦外侮不日宣戰明旨
必徧中外則東南必決裂大局無轉機倘三帥體念
深宮被逼變起肘腋更當堅持定見聯絡一氣卽日電
致各駐使實告外部云衅端非出朝廷乃迫於內變

傅相卽行航海北上請飭各提督會商勦匪定亂等語
請傅相仍遵前旨迅速起程並電慰帥卽由山東提
兵由保定進京以清君側護兩宮爲要義峴帥香
帥主持東南以鎮民心保疆土爲要義倘在京使臣無
恙在外駐使不撤各督撫同心定亂尙可挽回惟擔當
大事全在三帥定識定力不避險而後能出險列
祖列宗在天之靈億萬生命皆繫於此乞裁定速
示否則保護長江之議宣亦不敢失信中外也

寄劉峴帥

六月初二日滬道余會電

頃英領事又向沅重申港督之說吳淞添置新礮似係

專備敵洋顯與所議保護不符力請停工暫不安礮等語即使添礮何足禦敵可否請飭停工以免疑議軍火已裝一船將開頗有煩言彼總慮接濟北匪如欲再運請諭駐甯領事轉電滬領事說明只運至甯保護地方以堅其信

寄粵督李中堂江督劉峴帥鄂督張香帥 六月初二日

細譯二十九 廷寄係在宣戰各 明旨後並在慰帥報稱各國兵二十八由津赴京之後 旨意以衅不我開還擊出不得已並有各使館仍盡力保護等語詞氣較平似尙留轉圜地步且令各省相機審勢辦理擬請

光復不... 卷三十一
各帥力顧東南大局速籌保護辦法仍聯江海各督撫
公電奏懇以救危亡

寄江督劉峴帥鄂督張香帥蘇撫鹿芝帥皖撫王灼帥
六月初二日

各領事已照會滬道倘兩制府能於所管各省之內按
照中外和約實力保護外國人民產業各國政府前時
現今均無意在長江一帶進兵等語如照辦請即分致
各督撫及所轄文武切實照辦以免誤會若一處滋事
必致藉口進兵自辦所關非淺乞裁示

寄江甯劉峴帥武昌張香帥蘇州鹿芝帥安慶王灼帥

杭州劉景帥濟南袁慰帥成都奎俊帥 六月初二日

保定頃傳十七十九 旨三道內有匪徒亟應勦辦語
豈沽台失後改計耶抑董軍獨不受命耶洋兵萬餘到
津英提已脫圍各國兵仍雲集保定現尙通京請速備
妙策電奏遲恐不及

寄江鄂粵三制軍蘇浙皖三中丞 六月初二日

昨峴帥電諭榮寄 電旨飭局勿漏洩頃見保定遍傳
各局二十六二十九明諭若一傳播則東南保護之議
全裂立刻危變是否應請各大府飛飭各局不准宣揚
乞速就近諭遵

寄袁慰帥 六月初二日

二十六 明旨兩道石破天驚二十九 廷寄江海七
督撫云大局安危正難逆料爾督撫各盡職守相機審
勢竭力辦理三十電 旨有禍起肘腋內變甚急等語
可見勦撫兩難出於逼脅現今洋兵大集將次抵京兵
匪必不能支恐催汜之禍不遠李劉張三帥聯絡各省
與各國議保護東南挽救大局但內亂若盡聽各國代
辦疆帥何以自立督撫中惟公軍力獨盛禦外患固不
足靖內亂則有餘現議請傅相仍遵前 旨北上公若
能亦遵前命提兵由保定約會入京護 兩宮靖匪

黨誠 宗社生靈所依賴弟欲知公意所向再商三帥
乞密示

東京李木齋欽使來電 六月初二日

滬議九條面達青木據稱俟得滬領詳電酌定再
復惟五款所言與公法內自由之據不合恐各國
難允鐸謂議內此條最重如此款不行他款雖允
無益且駐日美使言美廷已允不派水陸兵至長
江青謂美雖允英恐難允可否催滬領電外部并
電羅使速商英廷乞鈞奪

劉峴帥來電 六月初三日

吳淞新台已飭停工此次與各領事議保護實爲保全中外人命財產起見若軍火停運內地偶有匪起何以勦辦至北匪召禍恨切齒焉肯接濟斷無此事可告各領事請放心以後再運當再商甯領轉電第有流弊屆時再酌辦此時應否暫勿告知

又六月初三日

十九 明諭在沽失前與二十一 廷寄匪徒乘機擾亂已極語意正符合宣戰各 明旨迄未奉到敝處於三十日已將穩住各國辦法會齊帥電

由慰帥代具摺六百里加緊馳奏矣觀榮電竟無術可救奈何

張香帥來電 六月初三日

請速致意各國領事如見二十八日宣戰 上諭不必疑慮鄂甯已奉到二十九三十等日 廷寄有現在京城仍極力保護各國使館及相機審勢保定疆土等語督撫自當恪遵此 旨執定滬約以全東南大局各領事意見若何希即詢復

寄李中堂 六月初三日

呂使冬電峴香帥東電已譯告外部據云滬領來電不

及此電詳晰中有數條未能照允俟妥商再復又云各國並無意與中國爲難刻下總盼先靖內亂李相北上各國屬望甚切請電總署等語卽祈酌量代轉爲卽傅相進行始有轉機請勸早發云與冬電請仍遵前旨北行正合

寄李中堂張香帥 六月初三日

頃楊使冬電南洋云日籌挽回朝局忽外部稱盛京有興兵毀路之舉俄通國身家在此鐵路若滿洲有警決裂無疑大局安危在此一著已兩電增帥力保路工仍祈諸公切電加勁千萬感禱三十電欽佩已商外部據

稱尊處如力保平安俄卽不派艦惟須鐵路無恙方保和局云已請峴帥會大銜飛電增長兩帥矣

寄各國欽使 六月初三日

三十電 旨若勦義團禍起肘腋內亂甚急因而用之徐圖挽救云李劉張保東南挽和局爲主矯詔不理電奏由保定遞京兩日到

寄劉峴帥 六月初三日

牽制自是秘訣但第五條不認賠償各領事均不允姑屬蔡商小田余商霍並代電催稷臣曰九款請催復英商務最重照常之外勸勿派多船入江免百姓驚疑生

事云

寄李中堂劉張兩帥 六月初三日

伍使冬電奉署電各使赴津使歸則戰事成北都危則
東南亂云宣今日電各使言三十電 旨內亂甚急因
而用團徐圖挽救是以三帥保東南挽和局爲主亂命
不理意欲各使知內亂實情請速分電各使緩歸共保
和局

寄江鄂兩督蘇皖兩撫 六月初三日

明發此間甚秘不上報有人詢及只推不知但求各省
官場不傳揚

皖撫王灼棠中丞來電 六月初三日

紓急無如息事衛人乃可自全數省生靈繫此一舉此間聞北警密飭布置近更整練新軍分紮嚴防認真保護並禁謠惑免搖大局

劉峴帥來電 六月初三日

電悉切中肯要電外部一節前已會各督撫行之矣頃本齋電恐無濟現又電傅相裁酌北事固結非用重筆斷難挽大局安 兩宮然恐難行至保守東南弟與香帥惟照現在辦法始終不渝保一日是一日祈勉助切禱

袁慰帥來電 六月初三日

急症當變宜緩藥

巴黎裕朗西欽使致南洋大臣電 六月初三日

兩電先後均交彼云滬領事電甫到容詳酌再答
只要兩帥能力任保護是第一要事答以兩帥公
忠庚所深知必力任容再電昨接滇電領事已行
事已定

俄京楊子通欽使致南洋大臣電 六月初三日

頃外部稱六君公電已呈俄主深佩偉略東電面
交據云領事來電知已簽押奉俄主諭辦法甚好

當飭領事遵照長江一帶人民商業均惟二公是
賴俄卽不另添兵增艦俄本極欲保護鄰邦別無
他意惟刻下滿洲甚關緊要倘鐵路有失此約卽
作罷論俄注意在此儒已兩電增帥未接復音焦
急萬狀尊處電阻已得復否請轉香帥

浙藩惲菘耘方伯來電

六月初三日

聞長江蘇杭一帶我公及三帥議明中外互相保
護勿啟兵端各國已經簽字此保全性命產業無
數第一等識力功德無論北路勝敗如何總應占
此穩著也乞示知大略爲盼杭垣租界已派營保

護並宣布德意俾可相安同一辦法安危呼吸不敢不努力爲之

劉峴帥來電

六月初四日並致上海余道

杏翁電鐵路事已電粵請挈銜會電增長頃呂使電德外部云滬領來電不及此電詳晰中有數條未能照允俟妥商再復又伍使電九條已致外部呈總統核云

寄濟南袁中丞

六月初四日

榮相電七帥德使被兵擊斃宮邸及滿漢營卒半皆拳會中人只有慶邸仁和同心然亦無濟云病急藥緩如

西行催汜挾天子令諸侯奈何

寄閩督許筠帥 六月初四日

北事日亟傅相峴帥香帥已遵 旨聯絡一氣力保東
南與各領事議明允其保護長江口岸內地各國人命
產業彼亦允不派兵相擾並達各外部均照允閩浙海
疆同在東南如鈞處同此辦法卽電商三帥聯絡共保
大局

陶渠林森甲沈藹蒼瑜慶兩觀察致南京武昌督

署電 六月初四日

盛京堂傳示憲電並李使電第五條頗難商辦等

語職道商余道告各領兵船雖不能禁其進口亦
應立定限制先期知照免致誤會頃小田切云該
國有兵船一艘將赴漢數日卽返屬轉稟兩憲以
後決不三艘同進似此辦理日就範圍他國當不
能獨異查英兵輪泊長江上海者九艘明日續到
兩艘日本三艘並聞當否訓示

浙藩惲菘耘方伯來電

六月初四日

景帥交閱來信並章程九條此等通天澈地手段
無人能爲公與新甯南皮同不朽矣何日簽字乞
電示擬將九條刊刻通行各府縣各防營礮台庶

可人人遵守先達傾倒之忱

李傅相來電 六月初四日

東三省保護鐵路一節已兩次電知各將軍矣鴻

仍俟 電旨再定行止祈轉峴帥

寄京慶親王榮中堂王中堂

由保定孫道專馬飛送六月初四日

讀三十電 旨始知內亂情形哀痛迫切挽回無術姑

擬急救之方西兵將大集入京雖云公法無礙 宮闈

但彼焉知 朝廷不得已苦衷必執許多 明詔爲詞

非洩公憤不止如揣度勢不能支惟有速將三十電

旨大意密商赫德屬其速達各使各提督俾知外衅由

於內亂變生肘腋急何能擇務在城外與西軍先訂辦法免驚宮掖並電各駐使緩歸卽將三十 旨意及目前辦法密達外部徐圖挽救宋聶兩軍須用以衛宮庭懾內亂君如腹心疆臣如手足目前急難倘有 詔旨所不能明言者擬請鈞處密電江鄂粵各督俾可秉承聖意內則王爺中堂外則李劉張三帥與統兵宋聶袁張四軍聯絡一氣以保大局能否密奏定奪聞山西教匪蠢動恐保定線難久通

寄浙藩惲方伯

六月初五日

江豪三電到九條各領事會議除第五條不允外餘皆

允洽但無權簽字已電各使商外部初一各總領事已照會滬道訂明南洋鄂督於所管各省之內按照和約實力保護各國人民權利各國政府前時現今均無意在長江一帶進兵等語除鈔寄外乞達中丞

劉峴帥來電

六月初五日並致上海余道

明件當日見京報已無可挽然各省迭奉 電旨

一則曰各督撫相機審勢保守疆土再則曰團民蔓延勦之卽刻禍起肘腋恭繹語氣與各明件迥不相同 兩宮於此有萬不得已之處亦可見

矣江鄂辦法本遵 旨保守疆土各國儘可放心

尊指甚當祇合握定此義辦理將來大局轉圜恐亦非此不可惟前次約定不派兵船入江爲題中最要之義甯英領亦曾面允仍請商霍領及各領一律照辦以免民情驚疑難於彈壓晤商後卽電示

劉峴帥覆陶道森甲沈道瑜慶電

六月初五日

日就範圍甚慰英輪泊九艘續到兩艘爲數已多請會杏蓀晉珊密商霍領不派兵輪入江堅守前諾以免民心驚疑難於彈壓長江商務英爲重我保地方正爲英保商務並勸各領一律照辦方徵

陸誼

寄江鄂劉張兩帥 六月初五日

頃與英美日各領事面商擬由道照會領事云前議尙未聲明將來如何辦法之處誠恐北方衅端更大東南人心搖動自應彼此再爲聲明無論以後北事如何變端上海及長江蘇浙內地如各國政府允仍照前時現今均無意在長江一帶運兵兩位總督亦允能於所管各省之內按照中外和約實力保護各國在各省之人民財產等語並已將兩帥斷不更易之電交閱各領允卽電外部請速電余道趕辦照會並請會電各駐使愈

速愈好

寄江督劉峴帥鄂督張香帥 六月初五日

各領知德使斃各館危憤恨欲絕已將電 旨與明件
不同 兩宮苦衷開誠面告各領允達外部惟各領
聞滋帥帶兵北上疑東南之約難恃謂撫可去督亦可
去不特軍火有礙力請阻止本恐北援不及如欲保南
洋可否請香帥電商滋帥勿帶江蘇隊伍或尙無礙前
約

寄甯鄂蘇皖粵閩浙贛湘川東豫各督撫 六月初五日

峴帥電不派兵船入江爲要義但各國原約必須督撫

能於所管各省之內照約保護人民產業方不進兵入
江明乎若不能保護便須進兵竊恐明降揭破匪徒假
仇教滋事商埠郡會以外豈能處處派兵請飛飭各道
府勸各教會總將州縣鄉鎮洋教士暫回省城商埠其
教堂房產交付地方官看管毀壞賠償庶易彈壓

袁慰帥來電 六月初五日

病在內當由內治鑑滋奉召似有轉機

又 六月初五日

烟台事無人可議但一攻而西人商務亦甚喫虧
可否請代與英員試商以維大局內病前已寄一

藥方大約可服甚盼

寄東撫袁中丞 六月初五日

內症內治已無治法聞西人有借烟台礮台之謠是否照長江現議兩不相犯免蹈大沽覆轍似應預籌

寄倫敦羅稷臣星使 六月初五日

德使斃使館危皆由內亂峴香帥屬議互保長江蘇浙無論北事如何終不改霍允電慰請保烟台英重商務請并商外部

寄袁中丞 六月初五日

已電稷臣將烟台與長江并商外部各帥看 密旨與

明諭不相同藥方是否從此入手洋兵入京在十日後
公三十後接京電乞示

柏林呂鏡宇星使致南洋電

六月初五日

外部復云文三件悉中國待德使有違公法德人
被困甚危現派兵遣將保護使館及德人並要回
向來分內任便之益所有中國違法各事須照懲
償故會同各國并力合辦必欲得一切實把握免
再鬧事德所注意在此現中國政府辦事既自置
身公法外各國卽不能以公法相待至各督撫既
認保護西人爲己任辦法與北京自異本部已立

案務望踐言並請奏明 中朝速離危機惟華兵
勿結匪黨合攻西人德國在華應辦事宜咸歸統
將主裁本部不願分其權致掣其肘故江鄂兩督
擬訂各章礙難徑允兩督美意倘能實踐我國亦
不忘情當卽轉達統將於軍事無礙者皆可照行
并請轉復酌辦云北事近如何不勝憂憤請轉總
署並李張袁王俞各帥

寄江鄂劉張兩帥

六月初六日

魚電已催道照會但恐宣戰傳布匪徒藉以滋事一處
變亂洋人必藉口進兵互保之約立廢務望速電各省

督撫嚴飭所屬專意防匪解釋誤會方可保全乞速行
寄各省督撫帥 六月初六日

美領事稱昨擬聲明無論北事如何變亂上海及長江
蘇浙內地照前保護英美俄法各外部回電照允即日
簽字照會請各督撫迅速出示照約保護因宣戰已揭
曉恐有一處蠢動致礙此約等語宣戰諭切勿出示以
免亂階

寄杭州劉中丞惲方伯 六月初六日

頃總領事云聞浙江不願互相保護弟告以劉中丞雖
無電來浙亦在南洋之內應一律請各國不進兵但明

日卽須畫押尊處究如何乞飛示

寄鄂督張制台鐵路鄭總辦 六月初六日

宣戰 上諭各處傳布沙多甚驚惶香帥力任保護洋人甚佩萬一沿途有變亂信請隨時調回各洋人停工不必候商酌

張香帥來電

六月初六日兼致江督

公法極憤傷使專看各使存亡以爲辦法輕重若得確信吞裂必矣萬不得已或由江鄂聯名致滬各領事婉言慰問如有出京到滬者派專員挽留饋問邀赴金陵駐息如必不來金陵務留其住上

海告以 寄諭有現在京城各使館我仍盡力保
護之語仰體 聖意爲之彼必願駐滬不過措詞
圓到而已此代 朝廷聯絡邦交有益無損如以
爲可卽請電滬道先達此意一面電奏請 旨卽
本 諭旨保護使館一語立言大約各使存者不
多矣有此一邀於東南大局必有益至二十九三
十日 諭旨勦撫兩難兵民王公府第皆有勦之
則禍生肘腋 朝廷萬不得已之苦衷等語暨榮
相來電七奏面陳眾人閩齊各節鄙意必宜婉達
各領事知使知 朝廷爲此輩迫脅非出 聖意

或可稍鬆也請速酌辦示

寄江鄂劉張兩帥 六月初六日

鄂語電甚佩請兩帥速電滬德總領事德呂使極致哀
悼各使卽有存者亦必俟洋兵援出未必來滬電 旨
及榮電內闕脅迫非出 聖意各節已告各領電達外
部故能深信兩帥不疑但須請速轉達各省此間於兩
帥外不敢深言

張香帥來電

六月初六日兼致江督蘇撫

杏翁歌電想入覽盛因各領事生疑恐礙東南之
約並阻軍火擬請滋帥勿帶蘇軍北上查陳鳳樓

一軍聞先已派令北行何不商滋帥卽以陳軍作爲滋帥軍旣免外人疑且省籌餉械又勝新募者何如卸或別有良策祈速示

劉峴帥來電

六月初六日

三歌電悉已飭道照會聲明鑑滋帥係奉 旨北上鑑帶衛隊伍哨滋帶三營均因北地匪亂道路不靖爲自衛之由並未奉 旨率師北援也晤各領詢及請以此答可勿疑

袁中丞來電

六月初六日

歌麻三電咸悉教堂事已照辦二十後京無信來

有卽告

閩督許筠帥來電 六月初六日

敝處早經會各領事力任保護與江鄂辦法不謀
而合北事如有所聞祈隨時電知

江督劉峴帥來電 六月初六日

鄉鎮教會能勸令暫回省埠最爲妥善現分電飭
商

浙藩惲菘耘方伯來電 六月初六日

浙江必須在互相保護之內無論中丞有電與否
明日務請一同蓋押杭字必須寫作浙字至藩至

叩此聞已遍告洋人安心居住並嚴飭地方官各營保護此其明證也

劉景帥來電 六月初六日

魚電祇悉請各國不進兵附弟銜隨同畫押互相保護

寄蘇撫鹿滋帥 六月初六日

此次訂東南保護之約欲其不佔製造局甚難又欲其准運軍火尤難香帥電允此局軍火專爲防勦長江內地土匪之用再四開導勉強暫允昨各領事聞公帶兵北行頓生異議當與香帥電商處此兩難實無兩全之

策天津已到洋兵兩萬木齋電日本添調萬五千又印度一萬五千俄兵尤多公法極憤傷使各國水陸趕集公到京恐已後矣

粵督李中堂來電

六月初七日

宣戰 旨此聞並未出示亦未分行各屬務飭電局勿張揚外人焉得而知

濟南袁中丞來電

六月初七日

頃有人初一自京來述兵匪十數萬圍攻兩使館仍未克 內廷左右皆拳匪王公貝勒皆設壇內城緊閉每日只啟一門半日云

寄江鄂劉張兩帥 六月初七日

香帥陽電謹悉各國現以長江蘇浙一帶之事專責總領事辦理請兩帥會電公派余道以全權與各領事會商辦事宣承命無不竭力相助但兩國交涉必憑一人爲主已與余道議定凡公事均歸余道列名照章應請兩帥徑電領袖華領事卽照香帥陽電之意並應索該領袖全權文憑與余道互易茲事重大乞兩帥另給印文與余道及宣以示各國爲信

寄閩督許筠帥 六月初七日

尊處辦法旣同應再照會領事轉告外部將來無論北

事如何閩浙照長江一律互相保護各不相擾較爲結實浙劉電亦照辦峴香帥已分電矣

寄浙撫藩劉中丞惲方伯

六月初七日

各領事會議時云有浙江撫台札文係錄宣戰字樣擬電外部將浙江除開卽派兵船赴浙弟不敢拘泥只得立刻照來函電給予保護憑信如有宣戰札文須要設法收回速照香帥示稿刊示以保全省筠帥來電亦已照辦

寄浙撫劉景帥

六月初七日

頃已將尊函及虞電交滬道送總領事江鄂兩督均派

候補道在此公可速派楊彝卿就近會辦先電後札香帥示稿不觸不背已另電如照辦速示

寄北京慶邸榮中堂王中堂

六月初七日寄濟南保定分投

各公使如多傷亡中國必滅裂望速請旨救各使方能救宗社洋兵到津兩萬到齊約七八萬俄日印度居多東南李劉張三帥聯絡各省互相保護斷可支持鑑已行滋十四行

張香帥來電

六月初七日兼致江督滬道

甯兩魚電悉請即派余道隨時與領事會商作為江鄂公派並請盛京卿相助作為江鄂公請均許

以全權望速轉告定議爲荷陶道聞現無差擬調
鄂差遣並祈酌復會電駐使一層尊處情形較熟
思慮周妥務祈酌量挈銜速發如必謙虛請將電
文示知當竭愚慮斟酌奉復至感

蘇撫鹿滋帥來電

六月初七日

弟內召不能無一二營護從新募三營今只成兩
營隨行衡字三營尙緩待卽此區區數營豈能抗
洋弟曾奏請勦奉此行仍欲補救祈將此意設法
婉達勿使各領生疑至禱大局危極徒深焦慮

江督劉峴帥來電

六月初七日

宣戰件未轉行屢電各省屬嚴護商教昨又分遣
道府大員持密函往各處切告矣美領請出示甚
難措詞容妥辦北事近得確耗否

劉峴帥來電 六月初七日

敝處通行告示文曰爲出示曉諭事照得前因北
地匪徒肇衅誠恐各處土匪煽惑愚民藉端滋鬧
業經一再嚴切示禁並電飭各屬凡教堂商務務
須會同地方紳董協力保護諄切告誡不啻三令
五申此次戰事本非 朝廷意料所及兩國商民
仍當保護非特彼此互有商民客居其地亦天理

人情教化應爾現復由上海道與各國領事議定
在內地及長江等處各國商教人民財產均由地
方官力任保護以期彼此相安以後無論如何必
當一律照辦爲此再行曉諭爾諸色軍民人等一
體知悉自示之後務各安分守法須知各國商教
人等仍照約一律嚴密保護如有造謠滋事匪徒
定卽查拏正法決不寬貸其各懍遵毋違特示云
謹電呈台察

柏林呂鏡宇星使致南洋電

六月初七日

使斃德君甚怒又派鐵艦四快船一赴華約兵二

千名矢取北京爲城下盟柏林民情洶洶勢甚危
請轉署並李張

峴帥來電 六月初八日兼致滬道

現會香帥公派晉珊與各領會商保護事宜並公
請杏公相助爲理卽與弟暨香帥面商無異已電
復領袖文亦卽繕寄全權字樣外聞派似未妥今
用與面商無異不過換去字面實亦全權也各領
如詢及可以此答之

愚齋存藁卷第三十六